

NNEME JESUS YE NICODEMUS

John 3:1-21; 7:45-53; 19:39, 40

QYQHỌ UKPEP-ŊKPỌ 29

Eke Ikpọ Owo

IKỌ IBUOT: Baba owo kiet eke Abasi okobonde inamke idiok-ŋkpọ” (1 John 3:9).

I Edisobo Nicodemus Ye Jesus Ke Okoneyo

- 1 Enye ekedi owo Pharisee ye ọbọñ, John 3:1
- 2 Enye ama oyom ifet ndineme nneme ye Eyen Abasi, John 3:2; Luke 19:3; Jeremiah 29:13
- 3 Nneme esie ayarare owut owo emi enyenede iñwañ-iñwañ esit, John 3:2; 14:11
- 4 Jesus ayak ifiok ọnọ esit akpanikọ, John 3:3; Luke 2:40, Mme Nke 2:6; Ezekiel 36:26
- 5 Nicodemus ikekemeke ndifiok Akpanikọ, John 3:4; Mme Nke 16:2; Nwede Mbon Rome 10:3

II Jesus Eneñere Anam Añwaña Se Obufa Emana Edide

- 1 Erinyaña edi enọ-mfọn emi odotde nte enyene, John 3:5-7; Titus 3:5; Matthew 5:20; Isaiah 64:6; Nwede Mbon Rome 3:20; Nwede Mbon Galatia 2:16; 1 Peter 1:23; 1 John 5:1; 2 Nwede Corinth 5:17
- 2 Se Spirit anamde etie ukem nte se ofum anamde, John 3:8; Utom Mme Apostle 2:2; John 6:44
- 3 Odudu emi odude ke mme ikọ Christ anam Nicodemus mkpaidem, John 3:9-11; 1 Nwede Corinth 2:14; Matthew 7:28, 29; Mark 1:27; 1 Peter 3:22
- 4 Jesus ada mbufiok obup Nicodemus mbume, John 3:12, 13; Mme Nke 30:4; Job 38:4

III Edikọñọ Ke Eto Enyene Ndidu Man Enyaña Owo

- 1 Jesus edi ufak nnyin, John 3:14; Numbers 21:5-9; Isaiah 53:1-12; Matthew 26:28; 1 John 1:7; 2:2; Mme Hebrew 7:25; 9:22; 1 Nwede Timothy 1:15; 1 Peter 1:18, 19
- 2 Ana nte owo onim Jesus ke akpanikọ man amana obufa, John 3:15; 14:6; 1:12; 5:24; Nwede Mbon Rome 1:16; 1 Peter 2:6; Mme Hebrew 11:6
- 3 Abasi ama ọnọ ikpọñ-ikpọñ Eyen emi Enye okobonde, John 3:16; 4:10; 17:3; Nwede Mbon Rome 5:8-10; Titus 3:4, 5; Nwede Mbon Rome 6:23; 8:32; 2 Nwede Corinth 9:15; Nwede Mbon Ephesus 2:8
- 4 Enye emi minimke ke akpanikọ odu ke ubiomikpe, John 3:17, 18; 3:36; Eriyarare 21:8; Nwede Mbon Galatia 6:7; Eriyarare 20:10; Mme Hebrew 3:12; 4:11
- 5 Ukpep-ŋkpọ Christ otim añwaña owo eke enyenede mfina ke abaña akpanikọ ke esit esie, John 3:19-21
- 6 Idiọñọ ndiwut nte ke Nicodemus ama amana obufa, John 7:45-53; 19:39, 40.

SE EKPEPDE EBAÑA

Nicodemus ekedi ọfiok-ñwede emi ekenyenede itie ke Esop Sanhedrin ye itie ukpono ye uteñe ke enyin mbon idut esie. Okposuk edi enye ekedide suñ-suñ owo nduñọre, enye ekedi owo emi okotimde oyom usuñ akpanikọ eke Spirit, onyuñ enyenede iñwañ-iñwañ esit. Enye ama asaña ekpere Christ ke ido ukpono, ete, “Rabbi, nnyin imọfiok ite Afo edi Andikpep emi Abasi osiode ọdọñ.” Eti ido emi ke esit obup-mbume edi se eyomde man ekeme ndinyene ifet ndineme nneme ye Jesus. Nicodemus okobup mbume esie ke esit akpanikọ inyuñ itiehe nte ndusuk mmọ emi ekoide-koi etibi mbume ebup ndida mbiọñọ Akpanikọ (Matthew 22:15-18). Owo emi ayakde esit esie ọnọ Christ eyekut kpukpru ini nte Andikpep emende mme mfina esie efep ke mmem-mmem usuñ (Luke 11:31).

Ntak emi Nicodemus eketienede Ọbọñ ke okoneyo ekeme ndidi koro enye ye akwa idaha esie ikekemeke ndiyọ esuene, emi anade ọnọ mme anditiene-Christ ke iso mme ọdiọñọ esie (John 9:22). Eti usuñ erikpono Abasi toto ko, qyqhọ ye esuene, ñko esesin mme anditiene Jesus ke ndek, enyuñ ekot mmọ mme isio owo. Emi itimekere ata eyen Abasi edieke enye ama ekebiere ke esit esie ndidi “akpan inyene” nnọ Ọbọñ (Exodus 19:5).

Edi mme ntak efen edu emi ekenamde Nicodemus etiene Jesus ke okoneyo. Yak nnyin iti ite ke uwem Jesus okqoyhọ ye utom, ndien ekeme ndidi Nicodemus ikenyeneke ifet efen emi enye okpokosobode ye Jesus. Ekeme ndidi enye ikekereke ibaña esuene mme ọdiọñọ esie, edi ama okop ndik mbak mme Pharisee edisua enye (John 12:42). Nwak-ñkan ibat mme owo ke otu oro ekese Jesus ye mbet esie ke ñkpọ ndek.

Ini ama odu emi Editiene Christ ọkọwọrọde ukọbọ, ntime ye nsahi. Edi ikọ oro **Ukpono Abasi nte Christ ekpepde**, ayak esisit ndidi ukem ye **ntarenyin**, ke ntre idighe aba nkpo esuene ke esit ediwak owo ndifiok enye nte anditiene-Christ, ekpedi ke ndikekere enyiñ ikpoñ. Nte ededi, Ata anditiene-Christ eyekut ediwak ukut. Okposuk ediwak unen ye ifet edude ke America enọ owo ndidu uwem ke ifure, odu ekese mme owo emi enamde kpukpru se mmọ ekekeme ndibiọñọ utom Ọbọñ mme ndisin ubiọñọ ke usuñ ekpri eyen Abasi kiet. Ekpere ndidi nkpo but nditre ndidi anditiene-Christ mfin, ke inua ikpoñ, enyiñ oro akabare asaña ekekem ye mme nti usuñ eduuwem.

Jesus ama etiñ abaña Obio Ubọñ Heaven ediwak ini ke ini utom Esie, toto ke eritọñọ tutu osim utit. Mme Jew ekeyom Messiah edibọp Obio-Ubọñ eke isọñ onyuñ osio mmọ ke ọkpoñọ ufin mbon Rome; ndien mmọ ema etre ndikut, oto ke se mme anditiñ ntiñ-nnim ikọ ekewetde, ete ke Obio-Ubọñ oro ikenyeneke ndidi eke ererimbot emi, edi eke Spirit. Jesus ama etiñ nkpo otuk mfina emi ke ata eritọñọ nneme Esie ye ọbọñ emi: “Edieke owo mitọñọke ntak imana, enye ikemeke ndikut Obio Ubọñ Abasi.” Oro edi usuñ Obio-Ubọñ: Nnyin inyene nditọñọ ntak mmana!

Ikọ oro “nditọñọ ntak mmana” emehe nnyin idahaemi, edi kpa ye oro, ediwak mmọ emi ekotde idem mmọ mme anditiene-Christ ifiokke se oro ọwọrọde, inyuñ inyeneke enye. Ikedighe nkpo eke ekemehede mmọ ke ini oro. Akananam ikewetke enye ke Ikọ Abasi emi ekebemde iso odu.

Ido edida edikpuhọre esit ke ini owo ọbọde utebe-ikpe ndomo ye emana obukidem ikoduhe tutu Christ anam ntre ke ini emi. Edikpuhọre esit edi se etiñde ebaña enyuñ emende ewut ke Obufa Ediom, edi ndida emana obukidem ndomo ikoduhe. Edimana obufa ke akpanikọ eyenọ nnyin edikpuhọre esit, nkọ, eyekpon akan edibuana ke nka ukpono Abasi, nnyuñ nñwana ndidu uwem nte Ikọ Abasi etemede. Enye eyeñwam nnyin ndidu uwem eke enemde Abasi esit, oro edi uwem emi **idiok-nkpo miduhe**. “Baba owo kiet eke Abasi okobonde inamke idiok-nkpo, koro se Abasi adade obon enye nte eyen oduñde enye ke idem; enye inyuñ ikemeke ndinam idiok-nkpo, sia edide Abasi okobon enye” (1 John 3:9). Owo ama ọtọñọ ntak amana, enye oduk ke obufa uwem (2 Nwede Corinth 5:17), uwem emi spirit Abasi akarade ke itie emi ibet idiok-nkpo ye mkpa okpodude. Iduhe ikọ eke ekpetiñde ebaña utibe ukpuhọre emi nkan se Jesus eketiñde mi: “mbufo enyene nditọñọ ntak mmana.”

Erinyaña ukpoñ edi eriyarare emi otode Abasi, ndien kpukpru owo emi enyenede “obufa emana” emi eyetiñ ete ke edi akpanikọ. Edieke owo odude ke Christ, ema “ebot enye obufa.” Abasi obot obufa esit. Emi edi ifiok “editọñọ ntak mmana” koro “nkani nkpo ema ebe efep: Sese emekabare edi mbufa” (2 Nwede Corinth 5:17).

Nicodemus ama oduk ke akwa uñwana oro ke emi Ọbọñ ama akayarade Akpanikọ ọnọ esit esie. Ke ntre, akana nte esaña ke uñwana oro midighe ntre usuñ iduhe ndifiok mbaña uwem unana idiok-nkpo. “Edieke idọhọde ite, iduk nduk ye Enye, ndien nnyin isaña ke ekim, nnyin isosu, inyuñ inamke se idide akpanikọ: edi edieke nnyin isañade ke uñwana, kpa nte Enye odude ke uñwana, nnyin imoduk nduk ye kiet eken, ndien Iyip Jesus Eyen Esie eyet nnyin isana ke kpukpru mme idiok-nkpo” (1 John 1:6, 7). Ini mkpe-mbiere Nicodemus ama ekem. Nte enye ọmọñ aka iso odu ke ekim? Me nte enye ọmọñ edi ke uñwana onyuñ ayak uñwana emi anam utom ke idemesie?

Spirit Abasi edi anam-akpanikọ ke kpukpru esit. Ke ini nnyin iyakde nda-usuñ nnyin isin ke ubok Edisana Spirit, inyuñ itienede ikot Esie ọyọhọ-ọyọhọ, iyebọhọ mme ukpe ye afia asua ukpoñ kpukpru ini (John 16:13). Mmọ emi mitieneke Spirit edi mmọ emi edokde mme utip idiok-nkpo.

Kpukpru ini, edi utom asua nditimere me ndisuan ekikere owo emi enye oyomde ọduọ ke ndiok iso ke ubok esie; edi imenyene Etubom emi akananam ekọñ mikanke ke ebiet ekededi, nnyin imọfiok ite ke Etubom-Ekọñ nnyin enyene odudu akan ke ini kiet ekededi. Ini ekededi emi owo oyomde Eyen Abasi ke akpanikọ, ye ofuri esit, ye mbuotidem, eyebọ usọp ibọrọ. Mme otu ukpoñ eke efakde emi ekanarede Ebekpo Abasi eyetiñ ebaña akpanikọ emi enyuñ ekọm Abasi ke abaña ufak emi ke nsinsi-nsinsi.

Jesus ikabiakke ini ndinam ata utibe ediyarare Idemesie emi nnọ mme owo tutu osim ke ata ntọtuñọ idaha. Utibe-nkpo kiet ekededi Enye anamde ama enyene nwořo-nda ntak. Enye ama enyene inem ke mme ukpoñ owo, onyuñ enyenyene ke emi, idinyuñ inọhọ Idemesie nduok-odudu man anam mme owo efiok odudu erifak emi odude ke Iyip Eyen-erọñ.

MME MBUME

- 1 Nso idi ntak emi afo ekerede ete ke Nicodemus ekemek ndisobo Jesus ke okoneyo?
- 2 Nte ekọm Nicodemus okowut ukpono me nsahi?
- 3 Nso etop ke Jesus ọkọñọ owo Pharisee emi?
- 4 Nte oro ekem ye emana emi?
- 5 Nso ke “nditọñọ ntak mmana” ọwọrọ?
- 6 Ke enyiñ anie ke ebọ enọ-mfọn emi, nso ke ana kpukpru mme andiyom enye enam?

- 7 Nte Nicodemus ama emek se ifonde?
- 8 Nte nnyin nko imenyene ukem ifet oro ndimek enye emi nnyin idinamde nkpọ esie?
- 9 Nso idi eti edimek oro?
- 10 Nso idi ndisime edimek oro?